

**Zeitschrift:** Le nouveau conteur vaudois et romand

**Band:** 95 (1967-1968)

**Heft:** 11-12

**Rubrik:** Page fribourgeoise

**Autor:** [s.n.]

#### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

#### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

#### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 14.09.2025

**ETH-Bibliothek Zürich, E-Periodica, <https://www.e-periodica.ch>**



# Page fribourgeoise

## Lè Triolè ou Mouret

Vinyê du on bokon pêrto, du Wallenried, du Avry-chu-Rojé, du Friboua è di velâdzo d'la kotze, lè patèjan chè chon rëtrovâ la né d'la Fithâ-Dyu a la Kri-Byantse dou Mouret. Kan on'a on tréjouâ din ouna kotze, y fô a to prî le konchêrvâ. L'è pochin ke no j'avan fondâ l'Amicale. Y l'è on dèvê dè rémarhyâ lè j'èmi ke vinyon du bin yin a nouthrè rinkontrè. Chi korâdzo dèvethrè raloumâ la hyanma dou patè dè Prareman ke richkè dè chè dèhyindre è ke no fâ dou pochyin.

Po le piti nonbro dè 36 j'èmi, l'achinbyâye chè ourâye pè lè chouè dè binviyête dè M. Franthè Mouron préjidan. Dè chuite apri Mariéta Bongâ l'a yê le protocole d'la bala rinkontra dou 26 dè mâ a Epindè k'èthê j'ou inrèjichtrâye pè la Radio d'la Chuiche Remanda. Du chin la parola l'è j'ou baya i Moncheu Rochi è Chibo d'Avry ke no j'an bayi di fâchè dè lou lingâdzo ke no j'an bin konprê. Du Trivo no j'avan nouthrè j'abituâ MM. Franthè Bourdyè è Pièro Yérle ke l'an rëpondu châvamin a la dëmenda dou prëjidan. Arkonhyi no bayè di brâvo j'èmi dou patè pè Madama Chorderè è M. Luvi Python, ke chè pâ préyi po no kontâ di pititè j'ichtouârè. L'è j'èpâ Rénô d'Epindè no j'an fê a rire avui lou fâchè è lou tsan. Che Madama Antoinète Proudzin, dè Friboua, no j'invitâvè d'alâ i rogachyon dè Morlon, lè Moncheu Martson è Folly no kontâvan tsakon oun'ichtouârè novala ke no j'a fê pyéji. Lè Moncheu

Franthè Mouron è Francis Tanner l'an yê di j'èkri dou Révéren Pére Yodo Cotting ke le préjidan l'avi j'ou bin choin dè vouêrdâ. Po ithre la né d'la Fithâ-Dyu, vouthra pitita chêrvinta dou patè l'avê tradui le bi tsan dè Friboua ou Chakré-Kà ke l'è j'ou akutâ avui atinhyon. La tsanthon dou Viyo tin l'è j'ou inbriyâye pè ti lè j'èmi.

Che le nonbro di patèjan dè Prareman èthê bin mégro, no j'avan la tsanthe d'avê pèrmi no M. Pièro Kolly, ke l'è tan alêgro din nouthrè rinkontrè è no dèvin le rè-marhyâ.

Po hyoure ha réunion, no j'an tsantâ « Lè j'armalyi di Colonbète » è M. le préjidan l'a chouëtâ ouna bouna rintrâye a ti lè j'èmi. D'outon kevin l'achinbyâye l'arè yu a Bounafontanna.

Organijâye pê lè bon choin dè M. Francis Tanner, chin no parmè dè no rëdzoyi d'avanthro.

*Mariéta Bongâ.*

## On dremian

Chtache chè pachâye vê nothrè-j-èmi dou tyinton dè Vô.

Ou lulu ke n'èthi pâ fotu d'alâ ou pridzo chin ronhlyâ kemin on bènirâ, chè trôvâ on dzoa, per ajâ, avi le minichtro è on konchilyé dè pêrotze. Chtiche, po fêre a vêre k'irè on bon krêtyin è po fêre plyéji ou minichtro, fâ ou dremyan :

— Di-vê, Abran, kan te vâ ou pridzo te fâ tyè dè dremi, akuta, chin n'è pâ è pagni bin alêgro ; tè fô tè rèvèlyi, tè dèboubenâ on bokon.

Le minichtro ly-a trôvâ ke le konchilyé ly-avi réjon. Ma, mon Abran, ke tigni pâ cha linvoua ou tzô, l'a pâ oyu dè cht'orolye, du kemin n'a hlyotze, ly rèbrekè :

— Tyin è-the le plye koupâblyo, chi ke doâ oubin chi ke ly-indoâ ?...

*Cyprien Ruffieux  
(Tobi di-j-élindzo)*